



MARAMAN – PAISATGE CULTURAL DES VALADAS MAIRA E GRANA

Continua la terça edicion del bigalhat programa “Maraman – paisatge cultural des valadas Maira e Grana – 2018/2019” ente musèus e exposicions des doas valadas proponon al public nombrós apontaments culturals: lhi rescontres d’la seconda metat d’març se passarèn **tuchi a Draonier**.

Venre 15 de març del 2019 a 17.30 oras lo **Centre Europèu Giovanni Giolitti per l’Estudi d’l’Estat** (via XXV Aprile 25 a Draonier) propon **L’AIGA LO BEN PUS PRECIÓS. LO RESPIR D’L’AIGA: SCIENÇA, LITERATURA, ART E MUSICA**. Lo Centre Giolitti dedica a **Alberto Bersani**, siu premier President justa mancat, un moment de reflexion e condivision s’la valor que l’aiga a per l’òme, valor rapresentaa en literatura, art, musica e demonstra da l’atencion recebua da la sciença. L’apontament aurè coma relators **Teresio Sordo, Stefano Casarino e Remigio Bertolino** e lecturas de **Giuditta Aimò**. Lo professor Teresio Sordo, del Politecnic de Turin, a collaborat abo Bersani en nombrosas activitas sal territòri d’Coni. L’argument “aiga”, òr blau que plan plan se fai menc disponible, arsòna l’empenh civil que tuchi devarièm aver per gardar nòstra terra e nòstre planeta.

Sande 16 de març del 2019 a 16 oras lo **Musèu Sòn de Lengua - Espaci Occitan** presenta ent’aquò siu (via Val Maira 19 a Draonier) **ANCHOAS, NÒTAS E PELS, VIATGE CONTIAT A LAS MAINAAS ENTRE LHI VIELHS TRABALHS DES VALADAS OCCITANAS**. Lo polistrumentista occitan **Luca Pellegrino**, abo l’autritz e animatritz de literatura per mainaas **Caterina Ramonda** companharèn las **mainaas entre 4 e 10 ans** dins un viatge ental temp e l’espaci, entre legendas e chançons en occitan e italian, sus las peaas d’anchoiers, pelassiers, musicistas itinerants, domestica murets, que partits da las valadas occitanas enti secles passats an traversat las Alps, lo Nòrd Italia e la França. L’activitat es gratis; pòlen participar en 20; fai plaser la prenotacion al numre tel. 0171.904075 o per mail a segreteria@espaci-occitan.org, ente serè possible aver decò mai d’informacions. Après l’activitat lo musèu occitan se polerè visitar gratis.

Diamenja 31 de març del 2019 la **Collecion instruments musicals “G. Goletti”** presenta a l’Institut Musical de Palazzo Savio (via XXV Aprile 21 a Draonier) **INSTRUMENTS E MELODIAS DAL MOND**. Serèn organizaas doas visitas guidaas a la Collecion, la primera a 17 oras e la seconda a 18 oras, abo moments musicals curats da lhi estudents del Civic Institut Musical.

Lo programa continuarè a abril abo lo Ponch visita Bottai a l’Albarèt, comuna d’l’Arma. Se continuarè puèi fins a junh abo tuchi lhi autres musèus Maraman: lo programa complet se pòl leer sal sito www.espaci-occitan.org. Lo calendari de rescontres, curat dai musèus e coordinat da Espaci Occitan en collaboracion abo l’Union Montana Val Maira, es realizat abo l’ajut d’la Region Piemont, e rapresenta decò una des accions d’la Carta Europea del Torisme Sostenible del Viso. Per informacions: Espaci Occitan de Draonier, tel 0171 904075, segreteria@espaci-occitan.org, Fb @museooccitano, Tw @espacioccitan.